

漢魏六朝百三家集

梁士九人

第七十册

陸太常集

壽考堂藏板

陸太常集題詞

陸佐公爲任樂安小友聲譽日進因
作感知已賦投贈序懷後奉命出淮
泗以詩代書寄京邑僚友劉兄殷弟
諸子戚戚濯然于李郭同舟潘夏方
駕余每讀之未嘗不重其篤友生厚

朋亞也漏刻石闕二銘見美高祖勅
稱佳作昭明宴闌思舊詩云佐公持
文介才學罕爲儔旣没元帝爲其墓
銘曰詞鋒颯豎逸氣雲浮一人之身
榮知三主亦云遇矣南國興運敦尚
詩書梁武起自文人尤勤氣類曲水

清漳同遊並唱常時作者但患無才
爾長卿凌雲孟陽劒閣宵多慕哉陸
集二十卷不能盡見茲所輯錄皆麗
而能則斯人也斯文也生有蘭臺之
聚死傳青鏤之管卽謂至今存可也

婁東張溥題

陸太常集目錄

賦

感知已賦

思田賦

賦體

表

爲豫章王慶太子出宮表

除詹事表

拜吏部郎表

爲王光祿轉太常議表

爲張纘謝兄尚書謚靖子表

章

授潯陽太守章

教

爲豫章主拜後赦教

未至潯陽郡教

又

書

與徐僕射薦沈峻書

答釋法雲書

啓

爲張侍中謝啓

爲息纘謝勅賜朝服啓

遷吏郎郎啓

謝勅銘行江州事啓

銘

新漏刻銘

石闕銘

蠡杯銘

碑

天光寺碑

墓誌銘

誌法師墓誌銘

祭文

釋奠祭孔子文

請丙賽蔣王文

詩

和昭明太子鍾山解講

以詩代書別後寄贈京邑僚友

贈任昉詩

附錄

本傳

陸太常集目錄終

陸太常集卷全

梁吳郡陸倕佐公著

明婁東張溥天如閱

賦

感知已賦

夜申旦而不寐。獨匡坐而怨咨。命僕夫而夙駕。
指南館而爲期。學窮書府。文究辭林。旣耳聞而
存口。又目見而登心。似臨淄之借書。類東武之
飛翰。軫工遲於長卿。踰巧速於王粲。固乃度平

子而越孟堅何論孔璋而與公幹或欲涉其涯
涘求其界畔則浩浩沔沔彪彪泝泝譬長鋏於
朝中若龍淵與蜀漢濟濟冠蓋祁祁雋逸有竊
風以味道咸交臂而屈膝或望路以窺門空升
堂而入室彼春蘭及秋菊尚蕪絕於衆芳矧重
仁與襲義信遼遼兮未央言追意而不逮辭欲
盡而復忘竊仰高而希驥忽脂車而秣馬旣一
顧之我隆亦東壁之余假似延州之如舊同伯
喈之倒屣附蒼蠅於驥尾託明鏡於朝光謂虛

無而爲有，布籍甚於游揚。於是柔條颯其成勁，
白露變而爲霜。歲忽忽而適盡，憂與愛兮未忘。
聚落莖於虛室，聽羈雀於枯楊。怵鬱悵其誰語，
獨撫抱而增傷。託異人以蠲憂，賴奇文而愈疾。
索黃瓊之寄居，造安仁之狹室。車出門其已歡，
無論銜梧與促膝。譬鄒子之唵松，故未寒而能
慄。徒納壤以作高，陋吞舟而爲網。值墨子之愛
兼，逢太丘之道廣。陪九萬以齊征，激三千而同
上。識公沙於杵臼，拔孝相於無名。非夫人之爲

感孰云感於余情指北芒以作誓期鬱鬱於佳城

思田賦

歲聿忽其云暮庭草颯以萎黃風颯颯以吹噉
燈黯黯而無光獨展轉而不寐何增歎而自傷
於是踟躕徙倚顧景興懷寃熒熒以至曙綴予
想於田萊彼五畝其焉在乃爰泊乎江隈出郭
門而東驚入淑浦而南迴爾乃觀其水陸物產
原隰形便林藪挺直丘陵帶面臨九曲之廻江

對千里之平甸、風去蘋、其已開、日登桑而先見、
聽啁哳之寒鷄、弄差池之春燕、臨場圃以築館、
對櫺軒而鑿池、集游泳於階下、引朝派於堂垂、
瞻巨石之前却、玩激水之推移、雜青莎之羅靡、
拂細柳之長枝、感風燭與石火、嗟民生其如寄、
苟有胸而無心、必行難而言易、幸少私而寡欲、
兼絕仁以棄智、忽學步而學趾、又追飛而厲翅、
瞻鹿苑而竊高仰、疆臺而慕義、歷四時於遊水、
馳三稔於申臂、望歸流而載懷情、鬱挹其何寘、

賦體

奉欽明之睿后、沐隆平之玄化、參振鷺之充庭、侍長徒之曾舍、冀無恨於終南、豫告成於芝駕、雖就列而陳力、終胡顏於長夜、